



KEADAAN muara Sungai Kijai, Kemaman yang tertimbus akibat mendapan pasir di Kampung Che Wan, Kijai, Kemaman. - UTUSAN/NIK NUR IZZATUL HAZWANI NIK ADNAN

Muara sungai tertimbus, nelayan tidak dapat ke laut

AM 18/3/2023 11:30

Oleh **NIK NUR IZZATUL HAZWANI NIK ADNAN**
utusannews@mediamulia.com.my

KEMAMAN: Lebih 20 nelayan di Kampung Che Wan, Kijai, dekat sini, tidak dapat keluar ke laut untuk mencari rezeki berikutan muara Sungai Kijai tertimbus dengan timbunan pasir sejak November lalu.

Salah seorang nelayan, Mohd. Azmi Zahar, 35, berkata, masalah itu telah berlaku lebih lima tahun lalu dan lebih buruk akibat mendapan pasir yang

berlaku pada musim Monsun Timur Laut, baru-baru ini.

Bagaimanapun, katanya, sebelum ini, masalah tersebut dapat diatasi sementara apabila terdapat kerja-kerja mengorek pasir untuk projek pembinaan di kawasan berdekatan.

"Setelah kerja-kerja mengorek pasir tersebut dihentikan, keadaan muara sungai itu kembali ditimbuni pasir sejak hujung tahun lalu.

"Sekarang sudah mahu habis musim tengkujuh, kami bimbang tak dapat turun ke laut di-

sebabkan keadaan muara yang cetek dan tertutup sehingga tiada laluan untuk bot karfi keluar.

"Kalau tak dapat turun ke laut lepas musim tengkujuh, memang agak sukar bagi nelayan menyara keluarga, lagi-pun anak-anak akan memulakan sesi persekolahan tak lama lagi," katanya ketika ditemui di Kampung Che Wan, Kijai di sini, semalam.

Sementara itu, seorang penduduk, Mohd. Shafiq Mat Nasir, 31, pula memberitahu, keadaan muara kuala sungai yang ter-

timbus itu juga menyebabkan berlaku banjir kilat sehingga menjelaskan rumah penduduk ketika berlaku fenomena air pasang besar.

Menurutnya, keadaan tersebut dibimbangi lebih serius selepas ini sekiranya masalah di muara sungai tersebut berlutan.

"Kami harap tindakan segera akan dapat diambil bagi memastikan nelayan dapat keluar ke laut dan mengelakkan kejadian banjir kilat terus berulang," ujarnya.